

إوعى تقفل الدائرة

■ اتنين قابلوا بعض بدأت نظرات الإعجاب ، بعد شويه
بدأ الحب ، وبعدين قرروا الجواز ، كل واحد قرر
يكمل حياته مع التانى

بدأ يقول لها انه بيحبها وبيخاف عليها من اصحابها والناس
، وهى تقول له انها بتموت فيه ، بتغير عليه من أهله وحبه
لهم

هو بدأ يعزلها عن الناس ، وهى كمان بدأت تعزله عن أهله
والناس

كل يوم بيعدى فاكرين انهم بيقربوا من بعض ، فاكرين ان
علاقتهم ناجحة

هما فى الحقيقة علاقتهم بتموت وتنتهى

مانستغربش أيوه بتموت ... !!

● تخيل كده كل واحد مقرر يعزل التانى عن الحياة بحجة الحب والخوف والغيرة ... اتنين ملامحهم تطبعت ببعض لدرجة ان ملامح كل واحد فيهم قربت تختفى ... بدأوا يكونوا مشوهين من برا وجوه ... أنعزالهم عن الناس ده مش هاخلى حياتهم تكون مثالية ده هايتحول لمرض .

● حاول تفكر كده معايا ، لو واحد فيهم قرر انه يرجع لحياته ووجوده فى وسط الناس الطرف التانى هايعمل ايه !!!

هايبدأ يفكر بجنون وخوف ويعمل أى حاجة تخليه يفضل جنبه هايتعب نفسياً وجسدياً

حياتهم كده بتموت وتنهار ، كل واحد مختار أنه يكون سجن للتانى ، فاكر انه كده بيحافظ عليه وبيضمن وجوده ، لكن النتيجة بيكون موت العلاقات اللى بالشكل ده .

- على فكره العلاقات ديه مش بتكون بين واحد وواحدة بس ساعات كتير بتكون بين أم وولادها ، اتنين أصحاب ،

فى طرف رافض يدى التانى حرите ... أو الاتنين رابطين بعض بحبال من رقبتهم عماله تخنق فيهم ... هم فاكيرين انهم كده جنب بعض

قرب شخص مننا مش معناه انه يبعد عن كل الناس ويفضل جنبنا

- جوزك بيحبك وهو جنبك وانت أقرب حد له ، فى وقت بيحتاج أصحابه فيه وأهله قربه منهم مش معناه أنه يبعد عنك ... اديله مساحته من الحرية قربي من اللي بيحبهم واتعلمى تقربى من أهله علشانه.

- ولادك خوفك الزيادة عليهم وحبستهم وبعدهم عن الناس مش بيضمن وجودهم جنبك ولا أنك تظمنى عليهم ، خليهم أحرار فى حياتهم يرجعوك علشان هما عايزين مش خايفين

دول هدية الحياة لك ...

• ماتقلوش دايرة حياتكم ، ولا تخلوا اللى حواليكم
يقفلوا دايره حياتهم عليكم

احنا مخلوقين أحرار

• ماتخلوش الطوق اللى بيموت كأنه هو اللى هاينجى

اللى بيحبك هايفضل جنبك ... ماחדش بياخد مكان حد فى
قلوبنا

كلنا مرتبين أماكننا فى قلوب بعض ...